

თბილისი. ვ. ი. ლენინის სახელობის „დინამოს“ სტადიონი. 18 მაისი. **8000** მაყურებელი.

„დინამო“ (თბილისი) – „არარატი“ (ერევანი) 1:0 (1:0).

„დინამო“: გაბელია, კეტაშვილი, ცაავა, (უორდანია, 86), ჭელია, კუდინოვი, მახარაძე, სვანაძე, არზიანი, გურული (მიქაბერიძე, 60), გაზაფვი, **მოღებაძე**.

„არარატი“: სუკიასიანი, კირაკოსიანი, სარქისიანი, ა. ხაჩატრიანი, ფ. გალუსტიანი, პ. გალუსტიანი, მარქარიანი (ვ. ხაჩატრიანი, 69), **რობ. გალუსტიანი**, მირზოიანი, კარაპეტეანი (პოლოსიანი, 46), მხითარიანი.

მსაჯი ა. სპირინი (მოკსოვი)

გოლი: გაზაფვი (7).

გააფრთხილეს გურული.

დუბლიორები – 0:1.

„არარატის“ კარში პირველივე დარტყმა გოლით დამთავრდა: მე-7 წუთზე ცაავამ კარგად მიანოლა კუთხური, გურულმა თავით მიმართულემა შეუცვალა ბურთს და გაზაფვმა ახლო მანძილიდან ანგარიში გახსნა – 1:0. მატჩის დარჩენილი 83 წუთის განმავლობაში ტაბლოზე სწორედ ეს ციფრები ენთო. თბილისელთა გამარჯვების მიუხედავად, მაყურებელი უკმაყოფილო ტოვებდა სტადიონის ტრიბუნებს. გულშემატკივრებს იმედი გაუცრუვდათ. მათ ვერ იხილეს ის ფეხბურთი, რომელსაც თბილისის „დინამოსა“ და „არარატის“ ყოველი შეხვედრისას ელიან.

შესვენებამდე თამაში ძირითადად შუა მიწოდებში მიმდინარეობდა. „დინამოს“ მისაღვომებთან მკვეთრად მატულობდა შეცდომების რიცხვი და ბურთს იოლად ეუფლებოდნენ მცველები. ეს მით უფრო გასაკვირია, რომ თამაში საშუალო ტემპში მიმდინარეობდა, რასაც მინიმუმამდე უნდა შეემცივებინა ელემენტარული შეცდომების რაოდენობა. პირველი 20-25 წუთის მანძილზე სხვებზე მეტად აქტიურობდა ჩვენი მარცხენა მცველი არზიანი, რომელმაც რამდენიმე ეფექტური გარღვევა განახორციელა (ამ გარღვევებს შედეგი არ მოჰყოლია და არზიანის ენთუზიზმიც თანდათან ჩაქრა). ამ პერიოდში მასპინძელთა ტერიტორიული უპირატესობა აშკარა იყო. ამაზე მეტყველებს თუნდაც ერევნელთა კართან მოწოდებული ხუთი კუთხური (სტუმრებს პირველ ტაიმში არც ერთხელ არ შეუსრულებიათ კუთხური დარტყმა). მაგრამ უპირატესობა უპირატესობად დარჩა, სუკიასიანის კარისთვის დინამოელებს პირველ 45 წუთში ხიფათი აღარ შეუქმნიათ. თუმცა, აქ შეიძლება გავიხსენოთ ეპიზოდი, როცა გაზაფვი შეიჭრა საჯარიმოში, გვერდი აუარა რამდენიმე მეტოქეს, დარტყმა კი ვეღარ შეძლო (35-ე წთ.) არც გაბელიას დასდგომია დიდი ჯაფა - 29-ე წუთზე სარქისიანის თავური დარტყმის მოგვრეება ფაქტურად ერთადერთი მომენტი იყო, როცა თბილისელთა კაპიტანი თამაშში ჩაერია.

შესვენების შემდეგ უპირატესობა სტუმართა მხარეს გადავიდა, მაგრამ ამით მატჩის სანახაობრივ მხარეს არაფერი მოუგია. თბილისელებმა მოედნის ცენტრი უბრძოლველად დაუთმეს მეტოქეს, რის გამოც მასპინძელთა მცველებს ორმაგი ჯაფა დააწვათ. შესაბამისად, იმატა შეცდომების რიცხვმაც და საკმარისი იყო, „არარატს“ ერთი-ორი კვალიფიციური თავდამსხმელი ჰყოლოდა, ანგარიში უთუოდ გათანაბრდებოდა. ორჯერ (51-ე და 67-ე წუთებზე) უაღრესად ხელსაყრელ პოზიციაში აღმოჩნდა პ. გალუსტიანი, მაგრამ პირველ შემთხვევაში უხეიროდ დაარტყა, შემდეგ კი მას ბოლო მომენტში ხელი შეუშალა კეტაშვილმა. 77 -ე წუთზე გაბელიას კართან შეიქმნა საგოლე სიტუაცია, რომელსაც ასპროცენტის ვუნოდებთ ხოლმე. „დინამოს“ მცველებმა უყურადღებოდ დატოვეს მხითარიანი და იგი მოულოდნელად გაბელიას პირისპირ დარჩა. თავდამსხმელმა ვერ გამოიყენა ეს შანსი – 10 მეტრიდან არაზუსტად დაარტყა.

ერთხელ აშკარა ხიფათს გადაურჩა სტუმართა კარიც: მე-60 წუთზე გოლის გატანა შეეძლო ჩელებადეს, მაგრამ მანაც ააცდინა მიზანს. ეს იყო და ეს. თამაშის მიწურულს, 88-ე წუთზე, მინდორზე ახლად გამოსულმა უორდანიამ დაახლოებით 30 მეტრიდან სცადა ბედი და თითქოს შეგვახსენა, რომ შორი მანძილიდან დარტყმაც ფეხბურთის ერთ-ერთი კომპონენტია.

ბოლო შეხვედრებს თბილისელები ალექსანდრე ჩივაძისა და რამაზ შენგელიას გარეშე ატარებენ. ახლა მათ თენგიზ სულაქველიძეც დაემატა, რამაც კიდევ უფრო თვალნათლივ დაგვანახა დინამოელთა სუსტი მხარეები. ასეა თუ ისე, ამ მძიმე მატჩში მათ მაინც შეინარჩუნეს გამარჯვება და სატურნირო ცხრილში რამდენიმე საფეხურით დანინაურდნენ.

ბოლოს, გამოვყოფ ერთ დეტალს, რომელიც უშუალოდ ფეხბურთელთა მოქმედებას არ ეხება, მაგრამ უდავოდ დიდ გავლენას ახდენს მათ თამაშზე. მეორე ტაიმის დასაწყისში მოსკოველმა არბიტრმა ალექსი სპირინმა გააფრთხილა თბილისელთა გუნდის წევრი გურული, რომელმაც უხეშად წააქცია ერთ-ერთი მეტოქე. ამ ეპიზოდში სპირინი სავსებით სამართლიანად მოიქცა – გურული მართლაც იყო ყვითელი ბარათის ღირსი, მაგრამ ერევნელი ფეხბურთელები უხეშობდნენ (ეს კი საკმაოდ ხშირად ხდებოდა), სპირინი რატომღაც ჯარიმითა და სიტყვიერი შენიშვნით იფარგლებოდა. ვფიქრობ, მატჩის არბიტრს მეტი თანმიმდევრულობა რომ გამოეჩინა, შეხვედრაც უფრო კორექტულად ჩატარდებოდა.

დავით კაკაბაძე
ლელო 20.05.1986